

M541S: Herbort von Fritzlar: 'Liet von Troye' (S)

0,7735 Diesin duvil bestan
0,7737 Wir wollī in gewisliche ūbeuan
0,7739 Ein sit uñ andirsit
0,7740 Wol dane is ist zit
0,7741 Sie rantin alle samin z̄v
0,7742 Vñ unbeuengīn in dū
0,7743 Sie begundīn in unberingīn
0,7744 So er here wolde springīn
0,7745 So wart ime hie ein stoz
0,7746 So er hin abe schoz
0,7747 So wart ime ein stich
0,7748 So er hie bewarte sich
0,7749 So wart ime ein slac andirswa
0,7750 Beide hie unde da
0,7751 Also dicke uñ also lange
0,7752 Daz er uor gedwange
0,7753 Vñ vor ir gedrengē
0,7754 Behertīn die lēge
0,7755 In mochte ioch inkunde
0,7756 Des gewan er ūbele stunde
0,7757 Al gewūnī die Criechī ūbil zit
0,7758 Idoch wart er al z̄v̄schit
0,7759 Als er was geuallīn
0,7760 Die Criechin begundī schallīn
0,7761 Mit werkin uñ mit wortīn
0,7762 Ir swert sie urbortīn
0,7763 Harte uiele baz dan ê
0,7764 Sie irslūgī der von Troien me
0,7765 Dan der Criechin were irslagin
0,7766 Sie begundīn uaste z̄v̄ iagin
0,7767 Da behieldīn sie den pris
0,7768 Da iruiel Filemenis
0,7769 Der k· uon palatine
0,7770 Alse do die sine
0,7771 Sere clagetīn undirdes
0,7772 Quam her Achilles
0,7773 Mit sineme schafte z̄v̄ getriebīn
0,7774 Da ir clage was bliebin

- 0,7775 Da wart sie uollin irhabin
0,7776 Hector begunde ouch z̥ drabin
0,7777 Sie rietin zornliche
0,7778 Beide geliche
0,7779 Mit harde starkir crefte
0,7783 Sie rietin slahinde durh den creiz
0,7784 Daz in blūt uñ sweiz
0,7785 Durh die sarewat floz
0,7786 Da wart daz gedrenge also groz
0,7787 Daz sie ze fūz quamin
0,7788 Ir igelich begunde ramin
0,7791 Wie er dem andrin sin ors neme
0,7792 E er wiedir dar ūf queme
0,7793 Achilles z̥ orse ê quam
0,7794 Hector wolde dūn alsam
0,7795 Daz werete ime Achilles
0,7796 Vñ begreif sin ors undirdes
0,7797 Daz ors hiez Galathea
0,7798 Hector lief ze fūzin na
0,7801 "Kere helit kere
0,7802 Mir ist also mere
0,7803 Daz ich den dot kiese
0,7804 Als ich min ors uirliese
0,7805 Wa nu edele troiere
0,7806 Wol dane zouwit schiere
0,7807 Helfit mir min ors retin
0,7808 Ich wil mich ê lazin irtretin
0,7809 E ich iz alsus habe uirlorn"
0,7810 Sie rūrtin die ors mit den sporn
0,7811 Vñ quamin so z̥ getriebin
0,7812 Daz die erde mohte irbiebin
0,7812a Von ir gerenne
0,7812b Sie beretin iz ettiswenne
0,7813 Vilin behielt iz der
0,7814 Da fūr durh den schilt daz sper
0,7815 Durh den halsberc viele hert
0,7816 Da bleip man uñ phert
0,7817 Vffe dem ringe
0,7818 Schone jungelinge
0,7819 Beide irslagin uñ irtrat
0,7820 Ouch so wart er berat
0,7821 Von den bastardin
0,7822 Irin fliz sie dar z̥ kardin
0,7823 Daz iz behielt Hector
0,7824 Geuanguin wart Antenor
0,7825 Als er geuanguin do was
0,7826 Z̥ rante polidamas
0,7827 Sie begundin abir z̥ trabin

0,7831 Vñ die abint stunde
0,7832 In stritis niht ingunde
0,7833 Sie rietin an ir gemach
0,7834 Als in da uor geschach
0,7835 Also imphienc man sie nû
0,7836 Vñ ioch baz danne dû
0,7837 Priamus uñ Hecuba
0,7838 Imphingin ire sune da
0,7839 Vñ furetin sie ze danke
0,7840 Mit aze uñ mit dranke
0,7841 Als in harte wol gezam
0,7842 Ir spise die was lobesam
0,7843 In warin ir bette bereit
0,7844 Nach der gewonheit
0,7845 Ir igelich an sin bette lac
0,7846 Vñ rûwete biz an den dac
0,7847 Vaz die Criechin detin
0,7848 Dû sie gezzin hetin
0,7849 Als ich iz geschriebî fundin han
0,7850 Also sult irz an mir uirstan
0,7851 Agomennon die besante
0,7852 Die er rehte irkante
0,7853 Daz sie uon den iarin
0,7854 Vñ andirs wis warin
0,7855 Dû sie sin gebot uirnamîn
0,7856 Vil schiere sie dare quamin
0,7857 Er sprach "nu ratit alle
0,7858 Wie iz iû geualle
0,7859 Hie ist geuanguin Antenor
0,7860 So hat der herre Hector
0,7861 Toam ouch geuanguin
0,7862 Daz ist lange irganguin
0,7863 Man inwil sinis gedingis niet
0,7864 Ob nu wandil geschiet
0,7865 Vndir in beidin
0,7866 So ist iz wol gescheidin
0,7867 Vir sendin morne botin dare
0,7868 Daz man an in iruare
0,7869 Ob in der wehsil behage
0,7870 Ich weiz wol sie hant clage
0,7871 Daz wir dirre so uil han irslagin
0,7872 Daz selbe moge wir wol clagin"
0,7873 Sie lobetin alle den rat
0,7877 Rehte unbe die selbin zit
0,7878 Clagetin giene andirsit
0,7879 Daz Antenor geuanguin was
0,7880 Dû rietin sie daz Toas
0,7881 Gegin ime gegeben wart

0,7882 Als ir uore sit gelart
0,7883 Die naht irgienc der dac quam
0,7884 Der dagesterre in beidin nam
0,7885 Irin schin uzer dem morgin
0,7886 Der da was uirborgin
0,7887 Mit der sunnin ûf gienc
0,7888 Vñ daz uelt den dôu imphienc
0,7889 Vñ nazzede daz gras
0,7890 Die≈wile≈daz die kulde noch was
0,7893 Sie rietin uz alse da uor
0,7894 Diese sit her Hector
0,7895 Agomennon da ingein
0,7896 Vñ die uolgetin in zwein
0,7897 Da ne wart langir niht gebit
0,7898 Sie lostin die zit
0,7899 Mit slegin uñ mit stiechin
0,7900 Die lebindin daz tiechin
0,7901 Daz die dotin warin dot
0,7902 Funfveldic was ê ir not
0,7903 Ubir die manicfaldicheit
0,7904 Nv wart sie sehsfalt gebreit
0,7905 In intstunt ein unselic dac
0,7906 Slac unde wiedirslac
0,7907 Stiech unde wunde
0,7908 Gegin der morginstunde
0,7909 Vffe den dac furebaz
0,7910 Rachin sie nit uñ haz
0,7911 So sere unde nehe
0,7912 Swelich man irsehe
0,7913 Vñ rehte weste
0,7914 Er in were nie so ueste
0,7915 Daz er sich inthaldin kunde
0,7916 in iamirte ir sunde
0,7917 Vnbe den harte grozin mort
0,7918 Vffe den dac noch dant uort
0,7919 Giengin sie houwin
0,7920 Daz in der stat die frouwin
0,7921 Von der grozin bittirtheit
0,7925 Vñ an sulhir gebere
0,7926 Alse sie halp dot were
0,7927 Vffe den dac nach prime zit
0,7928 Hûb sich so groz strit
0,7929 Vñ sulhich uehte
0,7930 Daz daz funfte geslehte
0,7931 Daz nach diesin quam
0,7932 An sineme kunne schadin nā
0,7933 Noch dan ê mitteme dage
0,7934 Quamin sie so sere ze slage

0,7935 Daz ir blūt niedir goz
0,7936 Vñ in daz mere schoz
0,7937 So starke uñ so sere
0,7938 Als iz ouwic wazzir were
0,7941 Rehte unbe mittin dac
0,7942 Des uolkis so uil dot lac
0,7943 Sie ne mohtin ioch inkundin
0,7944 Von den dotin ioch uō dē wūdi
0,7945 Noch uor den serin
0,7946 Sich niergin bekerin
0,7947 Noch dant unbe nūne
0,7948 Ingeschach da ioch sūne
0,7949 Noch der rede dechein deil
0,7950 Da in abe queme heil
0,7951 Vor vespizit ein deil ê
0,7952 Geschach da zehin stunt me
0,7953 Von not unde uon sorgin
0,7954 Danne uon dem morgin
0,7955 Geschehin were unze dare
0,7956 Sie wurdin der uespizit geware
0,7957 Daz der funfte kume genas
0,7958 Daz ir in deme strite was
0,7959 Er inlege dot odir lam
0,7960 Dū iz an den abint quam
0,7961 Ir ne was dechein so starc
0,7962 Noch so ūbil noch so arc
0,7963 Ime intgienge craft uñ maht
0,7964 Wene~daz sie schiet die naht
0,7965 Sie werin ze samene gekrochī
0,7966 Vñ hettin sich gerochin
0,7967 Vffe der hāt uñ ūffe deme knīe
0,7968 Iz ingescach grozir not nīe
0,7969 Noch ouch grozir ungemach
0,7973 Vndir den Criechin clagete Calcas
0,7974 Der ir wissage was
0,7975 "Vns ist misse gangin
0,7976 Sie hant uns abe geuanguin
0,7977 Harte manichin kūnī degin
0,7978 Ouch ist ir uns uil dot gelegin
0,7979 So mir got nu werde schin
0,7980 Ob ir geuolgic wollit sin
0,7981 So wil ich ratin harte wol
0,7982 Ob ich dar odir sol
0,7983 Vñ ob ir is mir bestat
0,7984 So ist daz rehte min rat
0,7985 Daz wir werbin unbe friede
0,7986 Vnz wir unsir sieche liede
0,7987 Geheilin uñ unsir wundin

0,7988 Binnin den selbin stundin
0,7989 Muge wir uirnemin daz mere
0,7990 Daz gesenftit unsir swere”
0,7991 Als er sine wort sprach
0,7992 Agomennon des iach
0,7993 Er hete wol geratin
0,7994 Die Criechin alle batin
0,7995 Daz iz also geschehe
0,7996 Vnz man gesehe
0,7997 Waz in baz gezeme
0,7998 Sie sprachin wer in queme
0,7999 Vndir al der rittirschaf
0,8000 Baz z^v der bodeschaf
0,8001 Dan der wise Vlixes
0,8002 Vñ her Diomedes
0,8003 Daz warin zwene wise man
0,8004 Sie schüttin ir halsberc an
0,8005 Vñ schüfin ir gewarheit
0,8006 Ir igelich saz uf uñ reit
0,8007 Iz waz an der uienstir naht
0,8008 Dū quam in gegin in geraht
0,8009 Ein snelliche
0,8010 Gefüge unde riche
0,8011 Dolon was er genant
0,8012 Er was ūz der stat gesant
0,8013 Beide horin uñ sehin
0,8014 Vñ uorhschin unde spehin
0,8015 In was beidirsit ga
0,8016 Er sprach “wer ridit [da]”
0,8020 “Waz sole wir sagin” “wer sit ir”
0,8021 “Wir sin geborin ubir mere
0,8022 Vñ rietin uze dieseme here
0,8023 Vñ solin werbin ein teil
0,8024 So dir got gebe heil
0,8025 Z^v dinir hubischeide
0,8026 Wis unsir geleide
0,8027 In die stat wir wollin dar in
0,8028 Z^v zwein mannin odir z^v drin
0,8029 Vnbe einin friedin sole wir biēt”
0,8030 “Ir bittit mit so gūtin sietin
0,8031 Vñ so gezoginliche
0,8032 Ich dete bosliche
0,8033 Ich in leistede uwir bete”
0,8034 Er gelobete uñ dete
0,8035 Des er uon in gebetin was
0,8036 Er brahte sie ūffe daz palas
0,8037 Da der k· uffe saz
0,8038 Mit sinin kindin uñ az

0,8039 Vñ andir sine rittirschaf
0,8040 Sie wurbin ire bodeschaf
0,8041 Mit so getanin wortin
0,8042 Die dar z^v gehortin
0,8043 Der k· hiez sie ezzin gan
0,8044 Vñ alse daz geheizī was san
0,8045 Gienc er mit sineme rade
0,8046 In eine kemenade
0,8047 Vnbe daz ir uirnūmī hat
0,8048 Den herrin behagete der rat
0,8049 Allin gemeine
0,8050 Iz wiedir redete Hector eine
0,8053 Er sprach “uірnemit alle
0,8054 War unbe iz mir niht geualle
0,8055 Wirt in z^v zwein manedin dac
0,8056 So merit harte ir beiac
0,8057 Vñ wirt unsir spise uірzerit
0,8058 Want uns ist die schifart bewerit
0,8059 Daz was unsir gewin
0,8060 Vnbe~daz ich niht wise bin
0,8061 Vñ uch niht wiedir dribin sol
0,8062 Iz behagit mir niht wol
0,8063 Wizzit waz ich iv sagin
0,8064 Von uns z^v uierzehin tagin
0,8067 [Seht] [waz] ir dar unbe dut
0,8068 Daz ist uns beidir sit gūt”
0,8069 Da wart manic rede getan
0,8070 Ir igelich sagete sinin wan
0,8071 Beide sus unde so
0,8072 Doch uirendetin sie sich so
0,8073 Daz der friede gegeben wart
0,8074 Die botin hubin sich ūffe die uart
0,8075 Dolon ir geleite
0,8076 Was da bereite
0,8077 Er nam ir harte wol ware
0,8078 Vñ geleidete sie wiedir dare
0,8079 Da er z^v in was kūmin
0,8080 Als ir uor hat uirnūmin
0,8081 Dū sie rietin undir des
0,8082 Fragete in Vlixes
0,8083 Manichir/ hande mere
0,8084 Vñ wa ir burc were
0,8085 Cranc odir stete
0,8086 Des er gefragit hete
0,8087 Mit harte grozir kundicheit
0,8088 Des hat ine genir bereit
0,8089 Sundir arge liste
0,8090 So er beste wiste

- 0,8091 Dolon sprach "gebietit mir
 0,8092 Got segene iuch" "got lone dir
 0,8093 Dū has dich an uns wol behūt
 0,8094 Got gebe dir immir mer gūt"
 0,8095 Dolon dannin karde
 0,8096 Sie zwene iledin harde
 0,8097 Alse sie z̄v dē gezeldī quamī wiedir
 0,8098 Sie sazin uon den orsin niedir
 0,8099 Vñ sagetin Priamus wort
 0,8100 Als irz here hat gehort
 0,8101 Daz in friede were gegeben
 0,8102 Vñ sie mit gemache soldī lebin
 0,8103 Die botin schūfen ir gemach
 0,8104 Daz in z̄v schaffene gescach
 0,8105 Hohe ūffe den anderin dac
 0,8106 Als man z̄v den zitin phlac
 0,8107 Warin sie den dotin miete
 0,8108 Sie hetin zweier hande siete
 0,8109 Sie hiezīn fīvr machin
 0,8110 Von speldin uñ von spachin
 0,8113 Alse er gar uirbrunnin was
 0,8114 Sine aschin man zesamene las
 0,8115 Vñ hielt sie harte reine
 0,8116 Vndir erdī odir ūdir eineme steine
 0,8117 Also wol swa sie lac
 0,8118 Daz der drat ioch bosir gesmac
 0,8119 Noch ūbil roch nie in quam abe
 0,8120 Etteliche drūc man ze grabe
 0,8121 Alse man noch hute phlit
 0,8122 Sie bestadetin ir dotī beidirsit
 0,8123 Mit harte grozin erin
 0,8124 E sīe bestadit werin
 0,8125 So warin irgangin uirzehī naht
 0,8126 Ouch so was die erde implaht
 0,8127 Vñ gerumit als ē
 0,8128 Von der burch biz an den se
 0,8129 In was friedis not gewesin
 0,8130 Si ne kūdī decheine wis sin genesī
 0,8131 Von deme grozin stanke
 0,8132 Des was iz in z̄v danke
 0,8133 Vñ als iz was uirrochin
 0,8134 In der drittīn wochin
 0,8135 Sie schūfin andirs ir dinc
 0,8136 Agomennon z̄v rade ginc
 0,8137 Also dete ouch Hector
 0,8138 Die da inne diese hie uor
 0,8139 Eine wis unde andir/ wis
 0,8140 Diese woldin den pris

0,8141 Also woldin die giene
0,8142 Da miete gienc die zit hiene
0,8143 Die≈wile≈daz ir friede was
0,8144 Die wile clagete Calcas
0,8145 Daz er in der stat hete
0,8146 Eine dohtir harte stete
0,8147 Schone hobisch uñ wis
0,8148 Die was geheizin Briseis
0,8149 “Sie ne mac da niht blibin
0,8150 Sie woldin sie da uirdribin
0,8151 Frov Pallas die godinne
0,8152 Die sie da hant inne
0,8153 Sie clagetin daz alle dage
0,8154 Daz ich were ein wissage
0,8155 Vñ ich were ũbere gekart
0,8156 Ich dete als iz gebotin wart
0,8159 Von den untruwin
0,8160 Iz sole mich geruwin
0,8161 Ich si bosir dan ein hunt”
0,8162 Sie sprachin “uns ist wol kunt
0,8163 Daz ir unschuldic sit
0,8164 Ouch sprechint siz durh nit”
0,8165 Calcas sprach do furebaz
0,8166 “Radint ir herrin daz
0,8167 Daz ich mine dohtir z^o mir neme
0,8168 Seht ob iz so gezeme
0,8169 So dūn ich gerne uwerin rat”
0,8170 “Nu dūt als ir gesprochin hat”
0,8171 Daz geschach rehte also
0,8172 Des wart er sit unfro
0,8173 Die herrin uze uñ inne
0,8174 Mit friede uñ mit sinne
0,8175 Dicke uñ allir dagelich
0,8176 Vndirbanekedin sich
0,8177 Achilles z^o Hectore reit
0,8178 Sie warin harte wol becleit
0,8179 Vñ ioch uil riliche
0,8180 Beide geliche
0,8181 Sie sagetin ir mere
0,8182 Wie iz kūmin were
0,8183 Dieseme hie deme da
0,8184 Vñ lachedin dar na
0,8185 Vñ hattin groze joye
0,8186 In der stat z^o Troie
0,8187 Ouch bewilin da uor
0,8188 Hete der herre Hector
0,8189 Vil schone cleinote
0,8190 Steine uon der rote

0,8191	Grüne vñ wize
0,8192	Gemachit mit flize
0,8193	In daz silbir uñ in daz golt
0,8194	Im was ouch ein frouwe holt
0,8195	Penthesleia was sie genant
0,8196	Die hete ime daz alliz gesant
0,8197	Ein edele kuninginne
0,8198	Durh der frouwin minne
0,8199	Druc er golt an der hant
0,8200	Vffe deme houbete guldin harbāt
0,8203	Er was ein harte schone man
0,8204	Achilles sach sin zirode an
0,8207	”Ir sit hūbisch so mir got
0,8208	Ein ist ernist ein ist spot
0,8209	In lat is iv niht tragin
0,8210	Sagit mir des ich iv fragin
0,8211	Ich in fragin andirs niht me
0,8212	Wundir hat mich wie iz irge
0,8213	Vndir uns beidin
0,8214	E wir hinnin scheidin
0,8215	Ir hat mir leide getan
0,8216	Den gesellin den ich uirlorī han
0,8217	Pat ^o clū wil ich immir clagin
0,8218	Den daz ir hat irslagin
0,8219	Daz kūmit iŋ ze unheile
0,8220	Min lip ist dar unbe ueile
0,8221	Vñ die selbin sarewat
0,8222	Die ir ime genūmin hat
0,8223	Sie inwerdin mir wiedere
0,8224	Ich gesetzin uch noch niedere
0,8225	Harte lestirliche
0,8226	In uwirme riche
0,8229	Ich in gesach uch so rehte nie
0,8230	So an dirre stat nu hie
0,8231	Vnbe≈daz ich zŋ iŋ han haz
0,8232	Ich sprieche uō warheide idoch daz
0,8233	Ir sit gewisliche kūne
0,8234	Idoch inwirdich nimir grüne
0,8235	Also kūne als ir sit
0,8236	Iz kūmit lihte noch die zit
0,8237	Daz ich iŋ leide getū
0,8238	Iz si spede odir frū
0,8239	Hector antwerdete des
0,8240	“Nŋ horit her Achilles
0,8241	Waz ist dirre sage
0,8242	Ich were rehte ein zage
0,8243	Virzagete ich uon wortin
0,8244	Idoch den wortin

0,8247 Danne mir daz herze ste
 0,8248 Daz min rede baz ge
 0,8249 Ist iû leide geschehin
 0,8250 Also han ich uiele daz gesehī
 0,8250a Daz ich ungelucke sach
 0,8250b Mir ist leit min ungemach
 0,8251 Daz mûz idoch also wesin
 0,8252 In mac ich uor iû niht genesī
 0,8257 In wazzere noch in uelde
 0,8258 Bin ich iû zû gelde
 0,8259 Odir zû eigene gegeben
 0,8260 Daz ir mir drouwit an daz lebin
 0,8261 Mir ist leit die schande
 0,8262 Daz man uns in dieseme lande
 0,8263 Mit stolzin wortin ubirgat
 0,8264 Ich weiz wol daz iz ûbele stat
 0,8267 Vñ geziemmit niht wol
 0,8268 Daz ich doch sprechin sol
 0,8269 Ein deil stolzliche
 0,8270 Vñ so iû got der riche
 0,8271 Wer wenit ir wer ir sit
 0,8272 Wolde got were die zit
 0,8273 Daz wir quemin uffē daz uelt
 0,8274 Ir fundit an mir wiedirgelt”
 0,8275 Achilles zvr̄nede sere
 0,8276 Er sprach “mir ist unmere
 0,8277 Daz ich iē wart geborn
 0,8278 Ich gerieche diesin zorn
 0,8279 Al hie noch hude
 0,8280 Wa nu mine lude
 0,8281 Min ros uñ min swert
 0,8282 Er sol der zit werdin gewert
 0,8283 Vñ des ueldis dar zû
 0,8284 Werde schin waz er dû”
 0,8285 Sie sprūgi ūf dirre uñ der
 0,8286 Vñ hieschin swert uñ sper
 0,8287 In hette man sie beide niht gehat
 0,8288 Sie hetten da uor der stat
 0,8289 Den friede beide gebrochin
 0,8290 Des wart in gesprochin
 0,8291 Beidirsit leide
 0,8292 Des schametin sie sich beide
 0,8293 Priamus schuldigete sinin son
 0,8294 Achillem Agomennon
 0,8295 Ouch clagetin die frouwī sere
 0,8296 Daz iz so kûmin were
 0,8297 Is in solde niht me not geschehi
 0,8298 Sie hettin gerne friede gesehin

0,8299 Daz die unkundin
0,8300 Ir igelich z^o sinin frundin
0,8301 Durch danz odir durh singin
0,8302 In die stat gingin
0,8305 Der rede was dechein not me
0,8306 Sie giengin zesamene als ê
0,8307 Als Achilles geswiegin was
0,8308 Herin Troilum bat Calcas
0,8309 Durh die aldin kunde
0,8310 Daz er ime ze stadin stunde
0,8311 Sine dohtir er in bat
0,8312 Ime gebin wiedir uz der stat
0,8313 D^u Troilus daz gefriesch
0,8314 Daz er sine dohtir wiedir hiesch
0,8315 Harte sere er undirquam
0,8316 Vnbe die schone Briseydam
0,8317 Sine amien sin wip
0,8318 Truric was ime allir der lip
0,8319 Dorste er iz wiedirredit han
0,8320 Er in hetiz nimmir getan
0,8321 Daz er sie hete wiedir gegeben
0,8322 Er mohte ubele gestrebin
0,8323 Wiedir sie al eine
0,8324 Ouch in was iz niht cleine
0,8327 Daz er sine gote hete uirlorn
0,8328 Vñ eweliche irin zorn
0,8329 Hete immir mere
0,8330 Des was sin rede swere
0,8331 Alse Briseyda gesach
0,8332 Daz ir ze rumene gescach
0,8333 Die stat da sie inne was geborn
0,8334 "Were ich also groz als ein torn
0,8335 Ich muste cleine werdin
0,8336 Von ruwin uon swerdin
0,8337 Von sorgin uon leidin
0,8338 Soldich hinnin scheidin
0,8339 Wie scheidin ich hinne
0,8340 Ich bin ein kuninginne
0,8341 N^u m^uz ich hinnin kerin
0,8342 Als ein bedelerin
0,8343 Vnde rumin daz lant
0,8344 Hettich daz in der hant
0,8345 Daz ich han in deme gem^ute
0,8346 Ein mezzir daz w^ute
0,8347 Mittin durh min herze in
0,8348 Wen^udaz ich andirs hoffinde bin
0,8349 Daz mir ze blibene gesche
0,8357 Mir ist min unselicheit

0,8358 Durh dich einigin leit
 0,8359 Iz ist mir alliz unbe dich
 0,8360 Ich in [rûch] niht unbe mich
 0,8361 Wene dû al eine
 0,8362 Wurde ich z^ov eineme steine
 0,8363 Des wurde harte gû^t rat
 0,8364 Gienge ich als ein crete gat
 0,8365 Vñ solde ich bi eineme zvne gan
 0,8366 Vñ mohte ich din also uiele han
 0,8367 Daz ich dich gesehe
 0,8368 Swaz mir dan geschehe
 0,8369 Daz uirtrûge ich harte wol
 0,8370 Nu inweiz ich waz ich dûn sol
 0,8371 Selic naht uñ selic dac
 0,8372 An swedir ich iê bi dir gelac
 0,8373 Eia Troies kunne
 0,8374 Der ie liep gewunne
 0,8375 Der uirgunne mir des
 0,8376 Daz ich ingeltin ich in weiz wes
 0,8377 Daz ich lazin einin helt
 0,8378 Den ich arme hete irwelt
 0,8379 Z^ov min selbis libe
 0,8380 Waz riechit man an mir wibe
 0,8387 Odir waz wil mā an mir rechī
 0,8388 Waz mac ich nu sprechin
 0,8389 Ob ich nu ingulde
 0,8390 Minis uatir schulde
 0,8391 So genuzze ich uon rehte
 0,8392 Daz andir min geslehte
 0,8393 Min man uñ min kint
 0,8394 In grozin truwi hie sint
 0,8397 Ob iz iman uirnu^min hat
 0,8398 Daz ich mit wortī odir mit dat
 0,8399 Odir mit gerede
 0,8400 Iê ûbil getede
 0,8403 Wes mu^git ir langir nu^m betin
 0,8404 Heizit ein groz fi^r getin
 0,8405 Vñ lazit mich u[irbrinnin]
 0,8406 Kerin ich sus hinnin
 0,8407 In ein unkunde
 0,8408 Ir hat is alle sunde”
 0,8409 Troilus hatte gehort
 0,8413 Groz iamir in do ane gienc
 0,8414 Mit armin er sie unbeuienc
 0,8415 Da stūdin sie beide
 0,8416 In so grozir leide
 0,8417 Sie ne wistin waz sie woldin
 0,8418 Sie ne wistin waz sie soldin

0,8419 Sie ne wistin waz ratin
0,8420 Sie ne wistin waz sie datin
0,8421 Sie ne wistin wa sie warin
0,8422 Sie ne wistin wie gebarin
0,8423 Sie ne wistin waz sie kundin
0,8424 Beide samint sie stundin
0,8425 In sulichin geberin
0,8426 Alse sie uirzagit werin
0,8427 Sie hielt in er hielt sîe
0,8428 Iz in wart grozir iamir nîe
0,8429 Dan iz was undir in zwein
0,8430 Er were hartir dan ein stein
0,8431 Swer daz iamir gesach
0,8432 Ob ime ze weinene niht gescach
0,8433 Priamus sprach Troilo z^v
0,8434 "Weistu sun waz du dû
0,8435 Gehalt dich menliche
0,8436 Iz stet dir bosliche
0,8439 Sit du des herzî ein man bist
0,8440 Daz dir der sin ingangin ist
0,8441 Iz mac schiere geschehin
0,8442 Daz ir îv liebe solit gesehin
0,8443 In dieseme lande
0,8444 Wie dût ir sûs iz ist schande"
0,8445 Als in der trost gegeben wart
0,8446 Als ir iewedir bekart
0,8447 Von einir sûhte were
0,8448 Also intliez sich ir swere
0,8451 Troilus hiez ir gewant
0,8452 Ṽf bindin ze hant
0,8453 Vñ hiez den satil ûf leîn
0,8454 Sie mûste ritin ûbir ein
0,8455 Des saz sie ûf vñ reit
0,8456 So schone warin ire cleit
0,8457 Vō golde uñ uon gesteine
0,8458 Wen ir uarewe eine
0,8461 So inkunde sich in niht gelichi
0,8462 M[an] s[a]ch d[a] beide bl[ich]in
0,8465 Daz sach sie so schone
0,8466 Daz ir wart z^v lone
0,8467 Vor ir schone gegeben
0,8468 Sûzir wûnsch senfte lebin
0,8469 Man sagit uon ir gewande
0,8470 Daz iz uon Terdien lande
0,8471 Z^v Troien was gesant
0,8472 Gefûgit was daz gewant
0,8473 Mit so getanir liste
0,8474 Daz iz nieman in wiste

0,8475 Wa ingegin were sin nat
0,8476 Die curse undir der wat
0,8477 Die was uon grozir ziere
0,8478 Die uel uon eineme tiere
0,8479 Z^o der cursin warin k^omin
0,8480 Vⁿ warin uon deme lande k^umin
0,8481 Da die sunne u^f gat
0,8482 So sie des morgenis intstat
0,8483 Ir gewant was g^ut alle wis
0,8484 Die steine die daz paradis
0,8485 In sineme wazzere dreit
0,8486 Die warin geworht an daz cleit
0,8487 Waz woldich sprechin furebaz
0,8488 Daz zeldinde phert da sie uff^e saz
0,8489 Daz was ein also g^ut phert
0,8490 Iz was dusint marke wert
0,8491 Alse sie uz der stat quam
0,8492 Vⁿ da urlop genam
0,8493 Sie warin alle unfro
0,8494 Daz sie dannin schiet also
0,8495 Also uil odir me
0,8496 Dan da leidis were ê
0,8499 Da weinete sere Hekuba
0,8500 Vⁿ die frouwe Helena
0,8501 Die frouwin al gemeine
0,8502 Groz unde kleine
0,8503 Alde unde junge
0,8504 Durh die scheidunge
0,8505 Alse sie inwec f^ur
0,8506 Troilus bi gote sw^ur
0,8507 Daz er nimmir andir wip
0,8508 Gelegin wolde bi sinin lip
0,8509 Vⁿ bat sie daz si^v ir ere
0,8510 B[ehie]ld[e] uⁿ stede [were]